

羅芳洲選註

梁任公文存

新會梁啓超著

梁任公文存

羅芳洲選註

香港上海書館印行

本店設有函購部，

專為海外僑胞服務，發

售書籍，種類繁多，備

有書目，函索即寄。

如蒙同業批發，另

有優待辦法，備有批發

書目，函索即寄。

香港上海印書館啓

香港德輔道中租庇利街
17至19號順聯大廈二樓

本店英文地址

SHANGHAI BOOK STORE

17-19, JUBILEE STREET, (1st FLOOR)

HONG KONG

一九七〇年七月香港再版

梁任公文存

全一冊 定價港幣

著者 新會梁啓超

選註者 羅芳洲

出版者 香港上海印書館

發行者 香港上海印書館

香港德輔道中租庇利街
17至19號順聯大廈二樓
電話：四一四四五三三

印刷者 美達印刷有限公司

香港皇后大道西五一九號
電話：四一四六一七三一

版權所有 翻印必究

序

在最近三四十年中，求其學問淹博，能够貫通新舊中西，在思想界佔着極重要的位置；而文章又極其動人，無論文言白話，均能取得廣大群眾的喜悅心理，第一個當數梁啓超。

啓超字卓如，號任公，別號滄江，又號飲冰室主人，廣東新會人。生於清同治十二年（一八七三）。幼穎悟，承家學。長學於康有爲，有聲譽。乙未中日戰罷，數上書言事，名漸著。光緒二十二年，與同志經營時務報於上海。陳寶箴爲湖南巡撫，聘主長沙時務學堂，以新學教育湖南青年。尋隨其師康有爲入北京，以變法自強之說進於德宗，德宗稱善，頗有倡行新政之意。後因袁世凱告密，致有戊戌之政變。啓超脫難後，至日本，與康有爲組保皇黨於東京，發行清議報、新民叢報、政論、國風等雜誌，均採用新語，爲創中國新聞文學的第一人。辛亥革命後，歸國，組織民主黨，更創進步黨，復刊行庸言報，以宣傳其主張。歷任袁世凱總統時代之司法總長、幣制局總裁、參政院參

政。洪憲帝制發生，啓超反對帝制甚烈，入滇助蔡鍔起義討袁，袁憤死。黎元洪爲總統，恢復國會，組織研究會，以啓超爲領袖。民國六年段祺瑞組織內閣，啓超任財政總長兼鹽務處督辦。時歐戰方興，中國之與德國斷絕國交，加入協約國，實爲梁氏最得意之主張也。迨歐戰停，開和平會議，啓超渡法，任中國全權顧問，遍遊各國以歸。此後即絕意政界，專心著作，先後成清代學術概論、歷史研究法及先秦政治思想史諸名著。並在東南、清華等大學作學術演講。民國十八年一月十九日，病故於協和醫院，享年五十有六。

啓超對於政治思想及學術文章各方面，均有莫大的貢獻。姑就文章方面言之：其文筆之縱橫矯健，實爲近世所無。他是首先打破古文義法之一人，在其清代學術概論有一段論他自己的文章說：『啓超夙不喜桐城派古文，幼年爲文，學晚漢魏晉，頗尙矜鍊；至是自解放，務爲平易暢達，時雜以俚語及外國語法，縱筆所至不檢束；學者競效之，號新文體。老輩則痛恨詆爲野狐。然其文條理明晰，筆鋒常帶感情，對於讀者常有一種魔力焉。』嚴復稱他說：『任公妙才，下筆不能自休。其自甲午以後，於報端文字，成績爲多，一時風行，海內爲之一聳。其筆又有魔力，足以動人。言破壞則人人以破壞爲

天經；倡暗殺則人人以暗殺爲地義。』這是就他的文言講。至五四運動以後，他做的白話文也很不少，除了少數演講的稿子是人家的筆記外，其餘大部分作品都是梁氏自己的手筆。數千言以上的文章，往往一氣呵成，如流水不絕，如天衣無縫，也不是當代諸文人所能企及的。

本書所選，文言白話各半，類皆梁氏的代表作，題材的範圍甚廣，可以當作模範文章讀，也可以當作百科文庫讀。

編者 二十五，四，十五。

目錄

(上卷)

制裁與自由	一
憂國與愛國	二
論進取冒險	四
論生利分利	八
論毅力	九
祈戰死	一
動物談	二
惟心	四
納爾遜軼事	七
張勤果公軼事	八

何先生傳	二〇
譚嗣同傳	二二
劉光第傳	三一
楊銳傳	三三
康廣仁傳	三六
楊深秀傳	四三
三十自述	四八
上大總統書	五五
祭蔡松坡文	五九
政治與人民	六六
清代學術概論	七七
蒞北京大學歡迎會演說辭	八五

(下卷)

思想解放·····	八九
徹底·····	九二
無聊消遣·····	九五
最苦與最樂·····	九八
人生目的何在·····	一〇一
小豪傑放洋記·····	一〇六
荒島遊歷記·····	一一二
歐遊心影錄楔子·····	一一九
凡爾登·····	一二二
人類歷史的轉捩·····	一二八
敬業與樂業·····	一三〇
人權與女權·····	一三六

爲學與做人·····	一四四
學問的趣味·····	一五二
「知不可而爲」主義與「爲而不有」主義·····	一五七
科學精神與東西文化·····	一七一
什麼是文化·····	一八三
評非宗教同盟·····	一九四
美術與生活·····	二〇四
治國學的兩條大路·····	二一六
墨學的根本觀念——兼愛·····	二二四
王陽明的知行合一說·····	二三二
情聖杜甫·····	二四八

制裁與自由

制裁云者，自由之對待也。有制裁之主體，則必有服從之客體。既曰服從，尙得爲有自由乎？顧吾嘗觀萬國之成例，凡最尊自由權之民族，恆即爲最富於制裁力之民族。其故何哉？自由之公例曰：『人人自由而以不侵人之自由爲界。』制裁者，制此界也；服從者，服此界也。故眞自由之國民，其常要服從之點有三：一曰服從公理；二曰服從本羣所自定之法律；三曰服從多數之決議。是故文明人最自由；野蠻人亦最自由，自由等也，而文野之別，全在其有制裁力與否。無制裁之自由，群之賊也。有制裁之自由，羣之寶也。童子未及年，不許享有自由權者，爲其不能自治也，無制裁也。國民亦然，苟欲享有完全之自由權，不可不先組織鞏固之自治制，而文明程度愈高者，其法律常愈繁密，而其服從法律之義務亦常愈嚴整，幾於見有制裁不見有自由，而不知其一群之中，無一能侵他人自由之人，即無一被人侵我自由之人，是乃所謂眞自由也。不然者，妄竊一二口頭禪語，暴戾恣睢○，不服公律，不顧公益，而漫然號於衆曰。『吾自由

也，『則自由之禍將烈於洪水猛獸』矣。昔美國一度建設共和政體，其基礎遂確乎不拔，日益發達，繼長增高以迄今日。法國則自一七八九年大革命以後，君民兩黨互起互仆垂半世紀餘，而至今民權之盛猶不及英美者，則法蘭西民族之制裁力遠出英吉利之下故也。然則自治之德不備而徒漫言自由，是將欲急之，反以緩之，將欲利之，反以害之也，故自由與制裁二者不惟不相悖而已，又乃相得而成，不可須臾離！言自由主義者，不可不於此三致意也。

○恣睢——恣意怒視也。

○洪水猛獸——喻禍患之烈者。

憂國與愛國

有憂國者，有愛國者，愛國者語憂國者曰：『汝曷爲好言國民之所短？』曰：『吾惟憂之故！』憂國者語愛國者曰：『汝曷爲好言國民之所長？』曰：『吾惟愛之之故！』憂國之言，使人作憤激之氣；愛國之言，使人厲進取之心；此其所長也。憂國之言，使

人墮頽放之志；愛國之言，使人生保守之思；此其所短也。朱子○曰：『教學者如扶醉人，扶得東來西又倒，』用之不得其當，雖善言亦足以誤天下。爲報館主筆者，於此中消息，不可不留意焉。

今天下之可憂者，莫中國若；天下之可愛者，亦莫中國若。吾愈益憂之，則愈益愛之；愈益愛之，則愈益憂之；既欲哭之，又欲歌之；吾哭矣，誰歎踊者？吾歌矣，誰歎和者？

日本青年有問任公者曰：『支那○人皆視歐人如蛇蝎，雖有識之士亦不免，雖公亦不免；何也？』任公曰：『視歐人如蛇蝎者，惟昔爲然耳！今則反是，視歐人如神明，崇之拜之，獻媚之，乞憐之。若是者，比比皆然；而號稱有識之士者益甚。昔惟人人以爲蛇蝎，吾故不敢不言其可愛；今惟人人以爲神明，吾故不敢不言其可嫉；若語其實，則歐人非神明非蛇蝎，亦神明亦蛇蝎，即神明即蛇蝎。雖然，此不過就客觀的言之耳。若自主觀的言之，則我中國苟能自立也，神明將奈何，蛇蝎又將奈何！苟不能自立也，非神明將奈何，非蛇蝎又將奈何！』

○朱子——即朱熹，宋儒也。

論進取冒險

天下無中立之事，不猛進斯倒退矣。人生與憂患俱來，苟畏難斯落險矣。吾見夫今日天下萬國中，其退步之速，與險象之劇者，莫吾中國若也，吾爲此懼！

歐洲民族所以優強於中國者，原因非一，而其富於進取冒險之精神，殆其尤要者也。

今勿徵諸遠，請言其近者。當羅馬解紐以後，歐洲人滿爲憂，紛競不可終日，時則有一竄人子，孑身萬里，西度航海，舟人失望，怒之極，欲殺之而飲其血，而彼勇撓不屈，有進無退，卒覓得亞美利加，爲生靈開出新世界者，則西班牙之哥倫布士○其人也。

當羅馬教皇威力達於極點，各國君主，俯伏肘下，時則有一介僧侶，悍然揭九十六條檄文於大府，鳴舊教之罪惡，倡新說以號召天下，教皇率數十王侯，開法會拘而訊

之，使更前說。而彼從容對簿，侃侃抗言，不屈不撓，卒能開信教自由之端緒，爲人類進幸福者，則日耳曼之馬丁路得其人也。

扁舟繞地球一周，凌重濤，冒萬死，三年乃還，卒開通太平洋航路，爲兩半球鑿交通之孔道者，則葡萄牙之麥志倫其人也。

隻身探險於亞非利加內地，越萬里之撒哈拉沙漠，與瘴氣戰，與土蠻戰，與猛獸戰，數十年如一日，卒使全非開通，爲白人殖民地者，則英國之立溫斯敦其人也。

十六七世紀間，新舊教之爭正烈，日耳曼勦滅新教徒，殆無遺類，時則有波羅的海岸一叢[○]爾國，奮其螳臂爲人類請命，爲上帝復仇，卒以萬六千之精兵橫行歐陸，拯民塗炭，犧牲一身而不悔者，則瑞典王亞多法士其人也。

俄羅斯經蒙古蹂躪之後，元氣新復，積弱蠻陋，無足比數。時則有以萬乘之尊，微服外游，雜伍傭作，學其文明技術，傳與其民，使其國爲今日世界第一雄國，駸駸乎有囊括宇內之觀者，則俄皇大彼得其人也。

英國自額里查白[○]以後，積勝而驕，立憲美政，漸以墜地，時則有一窮壤牧夫，攘臂以舉義旗，興國會軍，血戰八年，卒俘獨夫，重興民政，使北海三島，爲文明政體之

祖國，國旗輝於大地者，則英吉利之克林威爾其人也。

美受英軛，租稅煩重，人權蹂躪，民不聊生，時則有一穹谷俠農，叩自由之鐘，揭獨立之旗，毫無憑藉，以抗大敵，卒能建雄邦於新世界，今日幾爲廿世紀地球之主人翁者，則美總統華盛頓其人也。

法國大革命後，風潮迅激，大陸震懼，舉國不寧，時則有一小軍隊中一小將校，奮其功名心，征埃及，征意大利，席捲全歐，建大帝國，猶率四十萬貔貅臨強俄，逐北千里，雖敗而其氣不挫，則法皇拿破侖其人也。

荷爲班屬④，宗教壓制，虐政憔悴，緹騎⑤偏國，時則有一亡命志士，集勁旅於日爾曼，歸圖恢復，血戰三十七年，卒復國權，身斃於鉏耨⑥之手而不悔者，則荷蘭之維廉額們其人也。

美國當數十年前，奴政盛行，人道滅絕，南北異趣，國幾分裂，時則有一舟人之子，以正理爲甲冑，以民義爲戈矛，斷然排俗情，興義戰，犧牲少數以活多數，草芥一身以獻國民，卒能實行平等博愛之理想，定國憲以爲天下法，則美總統林肯其人也。

羅馬云亡，遺烈久沫，寄息他族，奴畜禽視，時則有弱冠翩翩一少年，投秘密結

社，傾僞政府，不能得志，遁竄異域，專務青年教育，喚起國魂，卒能使其國成獨立統一之功，列於世界第一等國者，則意大利之瑪志尼其人也。

若此者不過聊舉數賢以爲例耳。其他豪傑之類此者，比肩接踵於歷史，臚其事實，則五車不能容，即算其姓名，亦更僕不能盡。於戲⑦！何其盛哉！後世讀史者，挹其芬，汲其流，崇拜而歌舞之，而不知其當時道天下所不敢道，爲天下所不敢爲，其精神有江河學海不到不止之形，其氣魄有破釜沈舟一瞑不視之概。其徇其主義也，有天上地下惟我獨尊之觀。其向其前途也，有鞠躬盡瘁死而後已之志。其成也，涸腦精以買歷史之光榮。其敗也，迸鮮血以贖國民之沈孽。嗚呼！曷克有此？曰惟『進取』故，曰惟『冒險』故。

①哥倫布士——即哥倫布。

②藁——小貌。

③額里查白——英女皇。

④荷爲班屬——謂荷蘭爲西班牙之屬國也。

⑤緹騎——衙署差役也。